

ԶԱՐԴԱՑԱԾ ՍՈՑԻԱԼԻԶՄԻ ՀԻՄՆԱԿԱՆ ՕՐԵՆՔԸ

ՎԼԱԴԻՄԻՐ ՆԱԶԱՐՅԱՆ

1977 թ. հոկտեմբերի 7-ին ՍՍՀՄ Գերագույն սովետի 9-րդ գումարման 7-րդ արտահերթ նստաշրջանը ընդունեց Սովետական Սոցիալիստական Հանրապետությունների Միության նոր սահմանադրությունը (հիմնական օրենքը): ՍՍՀՄ Գերագույն սովետն ընդունեց նաև դեկլարացիա ՍՍՀՄ սահմանադրությունն ընդունելու և հայտարարելու մասին, ՍՍՀՄ սահմանադրության ընդունման օրը համաժողովրդական տոն հայտարարելու մասին, օրենք ՍՍՀՄ սահմանադրությունը գործողության մեջ դնելու կարգի մասին: «ՍՍՀՄ սահմանադրությունը վավերագրում է դեպի կոմունիզմ մեր առաջընթացի պատմական նոր բնագիծ՝ զարգացած սոցիալիստական հասարակության կառուցումը: Նա հարստացնում է համաշխարհային սոցիալիզմի փորձի ընդհանուր գանձարանը և հզոր խթան կծառայի ազատության, դեմոկրատիայի, կայուն խաղաղության ու սոցիալական առաջադիմության համար ամբողջ աշխարհի աշխատավորների պայքարում»¹:

Սահմանադրությունը պետության հիմնական օրենքն է, որն օժտված է բարձրագույն իրավաբանական ուժով, արտահայտում է տիրապետող դասակարգի կամքը և դրան համապատասխան սահմանում է տվյալ երկրի տնտեսական, քաղաքական և իրավական սիստեմի հիմքերը²:

Բուրժուազիայի գաղափարախոսները միշտ էլ ժխտել են սահմանադրության դասակարգային էությունը: Նրանք փորձում են գործն ալնպես պատկերել, թե սահմանադրությունը սոսկ իրավաբանական նշանակություն ունեցող փաստաթուղթ է և ոչ ավելին³: Այսպես, ժամանակակից անգլիական պետականագետներ Ուեյդը և Ֆիլիպսը գրում են, որ «սահմանադրության տակ, սովորաբար, հասկանում են հատուկ իրավաբանական իմաստով օժտված փաստաթուղթ, որի մեջ սահմանված են պետության կառավարման մարմինների կազմակերպական հիմքերը, ինչպես նաև ֆունկցիաները և ձևակերպված են այդ մարմինների գործունեությունը սահմանող սկզբունքները»⁴:

Դրան հակառակ, մարքսիզմի դասականները բացահայտել են բուրժուական սահմանադրությունների իսկական դասակարգային էությունը: Նրանք ցույց են տվել, որ սահմանադրական ֆրազների նսեում միշտ էլ թաքնված է բուրժուազիայի պետական, դասակարգային շահը: Անդրադառնալով բուրժուական սահմանադրությունների այդ կողմին, Կ. Մարքսը իր «Լուի Բոնապարտի Բրյու-

¹ «Правда», 9.X.1977.

² «Большая советская энциклопедия», т. 13, стр. 51 (սահմանադրություն բառը ծագել է լատիներեն constitutio բառից, որը նշանակում է սահմանում, կառուցվածք):

³ Г. Еллинек, Общее учение о государстве, СПб, 1907; Уэйд и Филлипс, Конституционное право Франции, М., 1959; Т. Мауниц, Государственное право Германии (ФРГ и ГДР), М., 1959.

⁴ Уэйд и Филлипс, նշվ. աշխ., էջ 89:

մերի 18-ը» աշխատության մեջ գրում է, որ «Սահմանադրության յուրաքանչյուր պարագրաֆ իր մեջ պարունակում է իր սեփական հակադրությունը, իր սեփական ստորին և վերին պալատները — ազատություն՝ ընդհանուր ֆրազով, ազատության վերացում՝ վերապահությունով»:

Բուրժուական սահմանադրությունների նման երկիմաստ բնույթը մերկացվել է նաև Վ. Ի. Լենինի կողմից: «Զկա ոչ մի թեկուզ ամենադեմոկրատական պետություն,— գրել է Վ. Ի. Լենինը,— որտեղ սահմանադրությունների մեջ չլինեն սողանցքներ քամ վերապահություններ, որոնք բուրժուազիայի համար ապահովում են բանվորների դեմ զորքեր շարժելու, պատերազմական դրություն մտցնելու և այլնի հնարավորությունը...»⁵:

Սահմանադրության մյուս բնորոշ կողմն ալն է, որ նա արտացոլում է դասայարգային ուժերի փոխհարաբերությունը տվյալ ժամանակաշրջանում: «Սահմանադրության էությունն ալն է,— գրել է Վ. Ի. Լենինը,— որ պետության հիմնական օրենքներն առաջարակ և ալն օրենքները, որ վերաբերում են ընտրական իրավունքին ներկայացուցչական հիմնարկների համար, նրանց իրավասությունը և ալն, արտահայտում են ուժերի իրական հարաբերությունը դասակարգային պայքարում»⁶:

Աշխարհում առաջին սոցիալիստական պետությունը իր առաջին՝ ՌՍՖՍՀ 1918 թ. սահմանադրությունում ընդգծեց Ռուսաստանում կենսագործվող պետական իշխանության և նրա հիմնական օրենքի դասակարգային էությունը: «Սովետական սահմանադրությունը,— գրել է Վ. Ի. Լենինը,— որը սովետների նման ստեղծվել է հեղափոխական պայքարի ժամանակաշրջանում, առաջին սահմանադրությունն է, որն աշխատավորների իշխանությունը հռչակել է որպես պետական իշխանություն, որն իշխանությունից հեռացրել է շահագործողներին՝ նոր կյանքի կառուցման հակառակորդներին: Մյուս պետությունների սահմանադրություններից նրա ալդ գլխավոր տարբերությունն էլ հենց կապիտալի դեմ հաղթանակելու գրավականն է»⁷:

ՍՍՀԿ Կենտկոմի 1977 թ. մայիսյան պլենումում «Սովետական Սոցիալիստական Հանրապետությունների Միության սահմանադրության նախագծի մասին» տված իր զեկուցման մեջ Լ. Ի. Բրեժնևը նշեց, որ 1918 թ. ՌՍՖՍՀ սահմանադրությունը «վավերագրեց Հոկտեմբերի նվաճումները և սահմանեց սովետական պետության՝ որպես պրոլետարիատի ղեկավարության պետության դասակարգային էությունը»⁸: ՌՍՖՍՀ 1918 թ. սահմանադրությունը օրինակ ծառայեց մյուս հանրապետությունների սահմանադրությունների, ալդ թվում նաև 1922 թ. փետրվարի 3-ին սովետների համահայաստանյան I համագումարի կողմից ընդունված ՀՍՍՀ սահմանադրության համար:

ՍՍՀՄ 1924 թ. սահմանադրությունը ամբողջովին նվիրված էր աշխարհում առաջին բազմազգ սոցիալիստական միութենական պետության ստեղծմանը: Ալն հողվածներ չէր պարունակում մեր երկրի հասարակական-քաղաքական և տնտեսական վառուցվածքի հիմունքների մասին: Ալդ հարցերը շարունակվում էին կարգավորվել հանրապետական սահմանադրություններում:

⁵ Կ. Մարքս և Ֆ. էնգելս, Ընտիր երկեր, Երևան, 1973, էջ 557:

⁶ Վ. Ի. Լենին, Երկեր, հ. 28, էջ 306:

⁷ Վ. Ի. Լենին, Երկեր, հ. 15, էջ 415:

⁸ Վ. Ի. Լենին, Երկեր, հ. 27, էջ 694:

⁹ «Սովետական Հայաստան», 5.VI.1977:

1936 թ. դեկտեմբերի 5-ին ՍՍՀՄ սովետների VIII արտակարգ համադրումարն ընդունեց ՍՍՀՄ նոր սահմանադրությունը, որն «օրենսդրականորեն վավերագրեց ՍՍՀՄ-ում սոցիալիստական հասարակական հարաբերությունների հաղթանակը և դրան համապատասխանեցրեց իշխանության ու կառավարման մարմինների ողջ սխիստմը, ինչպես նաև ընտրությունների կարգը»¹⁰:

Սոցիալիզմի հիմքերի կառուցման ավարտից անցել է 40 տարի: Մեր երկրի հասարակական, տնտեսական և քաղաքական կյանքում այդ տարիներին կատարվել են սկզբունքային նշանակություն ունեցող տեղաշարժեր, որոնք անհրաժեշտություն դարձրին նոր սահմանադրության ընդունումը: «Նոր ընդունվում էր 1936 թվականի սահմանադրությունը,— ասաց Լ. Ի. Բրեժնևը,— մեզ մոտ ըստ էության նոր էր ավարտվել սոցիալիզմի հիմքերի ստեղծումը: Բոլորովին երիտասարդ էր և դեռ չէր ամրապնդվել կոլտնտեսային կարգը: Ժողովրդական տնտեսության տեխնիկական մակարդակը դեռ հեռու էր առավել զարգացած ինդուստրիալ երկրների մակարդակից: Կյանքի տարբեր բնագավառներում շարունակում էր զգացվել նախահեղափոխական ժամանակների ժառանգությունը»¹¹: Մինչդեռ այժմ «Անճանաչելիորեն փոխվել է երկրի էկոնոմիկան: Նրանում անբաժանելիորեն տիրապետում է սոցիալիստական սեփականությունը: Ստեղծվել և հաջողությամբ գործում է ժողովրդատնտեսական միասնական, հզոր օրգանիզմ: Այն զարգանում է գիտատեխնիկական հեղափոխությունը սոցիալիստական կարգերի առավելությունների հետ զուգորդելու հիման վրա»¹²: Այդ տեղաշարժերն իրենց որոշիչ ազդեցությունն են թողել մեր հասարակության դասակարգային կառուցվածքի վրա: «Փոխվել է նաև հասարակության սոցիալական դեմքը: Այսօր մեր բանվոր դասակարգը կազմում է երկրի բնակչության երկու երրորդը: Դրանք տասնյակ միլիոնավոր կրթված, տեխնիկապես գրագետ, քաղաքականապես հասուն մարդիկ են: Նրանց աշխատանքն ավելի ու ավելի է մոտենում փնտենատեխնիկական աշխատողների աշխատանքին: Զգալիորեն աճել է բանվորների հասարակական ակտիվությունը, նրանց մասնակցությունը պետության կառավարմանը»¹³:

Փոխվել է նաև գյուղացիության սոցիալական դեմքը: «Ներկայիս կոլտնտեսականը ծնվել ու մեծացել է կոլտնտեսությունում, նրա հոգեբանությունը ձևավորվել է արդեն սոցիալիստական հիմքի վրա: Նա կառավարում է ժամանակակից տեխնիկան: Իսկ նրա կրթական մակարդակը, նրա ապրելակերպը շատ քիչ է տարբերվում քաղաքայինից»¹⁴:

Մեր երկրում ստեղծվել է ժողովրդական սոցիալիստական մտավորականություն, որի տեսակարար կշիռը մեծանում է հասարակության կյանքում, կոմունիստական շինարարության ասպարեզում գիտության դերի առաջընթացի համեմատ:

Մեր երկրում ոչ միայն իրավաբանական, այլև փաստական է դարձել ազգերի հավասարությունը: «Մեր բոլոր հանրապետությունները,— ասաց Լ. Ի. Բրեժնևը,— այդ թվում նաև այն հանրապետությունները, որոնք նախկինում ետ էին մնում տնտեսական և կուլտուրական տեսանկյունից, այժմ հասել

¹⁰ Նույն տեղում:

¹¹ Նույն տեղում:

¹² Նույն տեղում:

¹³ Նույն տեղում:

¹⁴ Նույն տեղում:

են զարգացման բարձր մակարդակի: Միաժամանակ, յուրաքանչյուր հանրապետության էկոնոմիկան դարձել է ժողովրդատնտեսական միասնական կոմպլեքսի անխզելի մասը»¹⁵:

Այդ բոլորը հանգեցրել է այն բանին, որ մեր երկրում «Առաջացել է մարդկանց պատմական նոր ընդհանրություն՝ սովետական ժողովուրդը»¹⁶: Մյուս կողմից, սովետական սոցիալիստական պետությունը պրոլետարիատի դիկտատուրայի պետությունից վերածվել է համաժողովրդական պետության, փոխվել և հարստացել են նրա ֆունկցիաները: Մեր երկրում կառուցված զարգացած սոցիալիստական հասարակության քաղաքական սխտեմում բարձրացել է նրա ղեկավար և ուղղություն ցույց տվող ուժի՝ Սովետական Միության կոմունիստական կուսակցության դերը:

Աշխարհի սոցիալ-քաղաքական դեմքի փոփոխման հետ միասին բարձրացել է մեր երկրի միջազգային նշանակությունը:

Բացի այդ, 1936 թ. ՍՍՀՄ սահմանադրության ընդունումից հետո զգալիորեն նորացվել և կատարելագործվել էր սովետական օրենսդրությունը: Այդ հանգամանքը ևս անհրաժեշտորեն պահանջում էր երկրի նոր հիմնական օրենքի ընդունում, որը կայունություն ու ներդաշնակություն կմտցնեք զարգացած սոցիալիստական հասարակության կյանքում ծավալվող հարաբերությունների ամբողջ կոմպլեքսի իրավական կարգավորման միասնական մեխանիզմի մեջ:

Այս բոլորը անհրաժեշտություն դարձրին, որպեսզի ընդունվի երկրի նոր հիմնական օրենք և նրանում արտացոլվեն վերը նշված արմատական տեղաշարժերը:

Հաշվի առնելով այս հանգամանքները և ի կատարումն ՍՄԿԿ Կենտկոմի ցուցումների, ՍՍՀՄ Գերագույն սովետը 1962 թ. ապրիլի 25-ին ստեղծեց սահմանադրական հանձնաժողով՝ ՍՍՀՄ նոր սահմանադրության տեքստը նախապատրաստելու համար: 1977 թ. մայիսի 24-ին ՍՄԿԿ Կենտկոմի պլենումը, լսելով Սահմանադրական հանձնաժողովի նախագահ Լ. Ի. Բրեժնևի զեկուցումը ՍՍՀՄ սահմանադրության նախագծի մասին, որոշեց ընդհանուր առմամբ հավանություն տալ հանձնաժողովի ներկայացրած նախագծին և առաջարկեց ՍՍՀՄ Գերագույն սովետի նախագահությանը՝ այն դնելու համաժողովրդական քննարկման: 1977 թ. մայիսի 30-ին ՍՍՀՄ Գերագույն սովետի նախագահությունը հիմնականում հավանություն տվեց սահմանադրության նախագծին: 1977 թ. հունիսի 4-ին նախագիծը հրապարակվեց մամուլում՝ համաժողովրդական քննարկման համար և որոշվեց 1977 թ. հոկտեմբերին հրավիրել ՍՍՀՄ Գերագույն սովետի արտահերթ նստաշրջան՝ ՍՍՀՄ սահմանադրության նախագիծը վերջնականապես քննարկելու և ընդունելու համար:

Միևնույն ժամանակ սովետական մարդիկ մեծ խանդավառությամբ մասնակցեցին երկրի հիմնական օրենքի համաժողովրդական քննարկմանը: Բավական է ասել, որ միայն մեկ ամսվա ընթացքում Հայկական ՍՍՀ-ում սահմանադրության նախագծի համաժողովրդական քննարկմանը մասնակցել է 230.577 մարդ, ելույթ է ունեցել 17.205 հոգի: Նախագծի վերաբերյալ ժողովներում արվել է 335 առաջարկություն¹⁷: Իսկ ամբողջ երկրի մասշտաբով «քննարկմանն

¹⁵ Նույն տեղում:

¹⁶ Նույն տեղում:

¹⁷ Նույն տեղում, 8.VII.1977:

րնդամենը մասնակցեց ավելի քան հարյուր քառասուն միլիոն մարդ, այսինքն՝ մեր երկրի չափահաս բնակչության ավելի քան չորս հինգերորդը»¹⁸։ Սահմանադրության նախագծի քննարկումը տեղի է ունեցել աշխատավորների մոտավորապես մեկուկես միլիոն ժողովներում։ «Տեղի են ունեցել ավելի քան չորս հարյուր հիսուն հազար դռնբաց կուսակցական ժողովներ, որտեղ ելույթ է ունեցել ավելի քան երեք միլիոն մարդ։ Նախագիծը քննարկվել է բոլոր սովետների կողմից՝ սկսած գյուղական սովետներից և վերջացրած միութենական հանրապետությունների գերագույն սովետներով, այսինքն՝ մեր ամբողջ ժողովուրդը ներկայացնող ավելի քան երկու միլիոն դեպուտատների կողմից»¹⁹։ Նախագծի վերաբերյալ աշխատավորների կողմից արվել են ավելի քան 400 հազար առաջարկություններ, որոնց զգալի մասն արտացոլվեցին նախագծի 110 հոդվածներում։ «Համաժողովրդական քննարկման գլխավոր քաղաքական արդյունքը, — ասաց Լ. Ի. Բրեժնևը, — այն է, որ սովետական մարդիկ ասացին՝ այո, սա այն հիմնական օրենքն է, որին մենք սպասում էինք»²⁰։

ՍՍՀՄ սահմանադրությունը բաղկացած է ներածությունից և 174 հոդվածներից։ Այն ունի 9 բաժին, որոնցից առաջին յոթն իրենց հերթին բաղկացած են 21 գլուխներից։

Ներածությունում, որը նորույթ է 1936 թ. ՍՍՀՄ սահմանադրության համեմատությամբ²¹, նկարագրված է սովետական պետության ստեղծման պրոցեսը, բնութագրված են պրոլետարիատի դիկտատուրայի իրականացրած այն խոշոր միջոցառումները, որոնց հետևանքով մեր երկրում մեկընդմիջտ վերջ դրվեց մարդու կողմից մարդու շահագործմանը, դասակարգային հակամարտություններին և ազգային թշնամանքին, հաստատվեց արտադրության միջոցների հանրային սեփականություն, իսկական դեմոկրատիա աշխատավորների համար։

Ներածության մեջ տրված է մեր երկրում ձևավորված զարգացած սոցիալիստական հասարակության ծավալուն բնութագիրը։ «Դա մի հասարակություն է, որտեղ ստեղծված են հզոր արտադրողական ուժեր, առաջավոր գիտություն և կուլտուրա, որտեղ մշտապես աճում է ժողովրդի բարեկեցությունը, ավելի ու ավելի բարենպաստ պայմաններ են ստեղծվում անհատի բազմակողմանի զարգացման համար։

Դա սոցիալիստական հասուն հասարակական հարաբերությունների հասարակություն է, որտեղ բոլոր դասակարգերի և սոցիալական խավերի մերձեցման, բոլոր ազգերի և ազգությունների իրավաբանական ու փաստական հավասարության, նրանց եղբայրական համագործակցության հիման վրա կազմավորվել է մարդկանց պատմական նոր ընդհանրություն՝ սովետական ժողովուրդը։

¹⁸ Նույն տեղում, 5.X.1977։

¹⁹ Նույն տեղում։

²⁰ Նույն տեղում։

²¹ ՌՍՖՍՀ 1918 թ. սահմանադրությունում նման ներածական բաժնի դեր էր կատարում «Աշխատավոր և շահագործվող ժողովուրդների իրավունքների դեկլարացիան», իսկ 1924 թ. սահմանադրությունում՝ «ՍՍՀՄ կազմավորման մասին դեկլարացիան»։

Դա հայրենասեր և ինտերնացիոնալիստ աշխատավորների բարձր կազմակերպվածության, գաղափարայնության և գիտակցականության հասարակության է:

Դա փակական դեմոկրատիայի հասարակություն է, որի քաղաքական սիստեմն ապահովում է բոլոր հասարակական գործերի արդյունավետ կառավարումը, աշխատավորների ավելի ու ավելի ակտիվ մասնակցությունը պետական կյանքին, քաղաքացիների ռեալ իրավունքների և ազատությունների զուգակցումը նրանց պարտականությունների և հասարակության հանդեպ նրանց պատասխանատվության հետ:

Սահմանադրության այս բաժնում նշվում է սովետական պետության բարձրագույն նպատակը՝ անդասակարգ կոմունիստական հասարակարգի կառուցումը: Որպես այդ նպատակին հասնելու գլխավոր խնդիրներ նշվում են կոմունիզմի նյութատեխնիկական բազայի ստեղծումը, սոցիալիստական հասարակական հարաբերությունների կատարելագործումը և դրանց վերափոխումը կոմունիստական հարաբերությունների, կոմունիստական հասարակության մարդու դաստիարակումը, աշխատավորների կյանքի նյութական և կուլտուրական մակարդակի բարձրացումը, երկրի անվտանգության ապահովումը, խաղաղության ամրապնդմանն ու միջազգային համագործակցության զարգացմանն աջակցելը:

ՍՍՀՄ սահմանադրության առաջին բաժնում ամրապնդված են ժողովրդի իշխանությունը և այդ իշխանության քաղաքական, տնտեսական ու սոցիալական հիմքերը:

Սահմանադրությունն ամենից առաջ սահմանում է սովետական ժողովրդի լիիշխանությունը, որն արտացոլված է ՍՍՀՄ նոր ընդունման մեջ: Սահմանադրության առաջին հոդվածում կարդում ենք. «Սովետական Սոցիալիստական Հանրապետությունների Միությունը համաժողովրդական սոցիալիստական պետություն է, որն արտահայտում է երկրի բանավորների, գյուղացիների և մտավորականության, բոլոր ազգերի և ազգությունների աշխատավորների կամքն ու շահերը»: Ժողովրդաիշխանության սկզբունքը առավել որոշակի է ամրապնդված սահմանադրության հաջորդ հոդվածում. «ՍՍՀՄ-ում ամբողջ իշխանությունը պատկանում է ժողովրդին»:

Ժողովուրդը պետական իշխանությունն իրականացնում է ժողովրդական դեպուտատների սովետների միջոցով, որոնք կազմում են ՍՍՀՄ քաղաքական հիմքը:

Մյուս բոլոր պետական մարմինները ենթակա են ժողովրդական դեպուտատների սովետների վերահսկողությանը և հաշվետու են նրանց:

Այսպիսով, ՍՍՀՄ նոր սահմանադրությունը ժողովրդին ոչ միայն համարում է իշխանության միակ աղբյուրը, այլ նաև այդ իշխանության միակ լիիրավ սուբյեկտը: Սովետները հանդես են գալիս ոչ թե որպես իշխանության ներկայացուցիչներ, ինչպես ասված էր ՍՍՀՄ 1936 թ. սահմանադրությունում, այլ որպես ժողովրդին պատկանող իշխանության իրականացման միջոց: Հետևաբար, առկա է իշխանության ոչ միայն սոցիալական հիմքի ընդլայնման փաստը (ՍՍՀՄ նոր սահմանադրությունը, ի տարբերություն 1936 թ. սահմանադրության, իշխանության աղբյուր է ճանաչում ոչ թե սոսկ աշխատավորներին, այլև սովետական ժողովրդին ամբողջությամբ՝ վերցրած), այլ նաև սկզբունքային նշանակություն ունեցող փոփոխություն է կատարվել ժողովրդաիշխանու-

թյան սահմանադրական ամրապնդման մեջ: ՍՍՀՄ նոր սահմանադրությունից բխում է, որ ժողովրդին պատկանող իշխանությունը շատ ավելի խորն ու լայն է նրան պատկանող պետական իշխանությունից, առավել ևս այդ իշխանությունն սահմանադրության այնպիսի ներկայացուցչական ձևերից ու միջոցներից, ինչպիսիք են ժողովրդական դեպուտատների սովետները:

Դրա համար էլ, ՍՍՀՄ նոր սահմանադրությունում լիակատար ձևով ամրապնդված են ժողովրդին պատկանող իշխանության կենսագործման ինչպես ներկայացուցչական, այնպես էլ անմիջական ձևերը: Այսպես, 5-րդ հոդվածում ասվում է, որ «Պետական կյանքի առավել կարևոր հարցերը հանձնվում են համաժողովրդական քննարկման, ինչպես նաև դրվում են համաժողովրդական քվեարկության (հանրաքվեի)»: Եթե ներկայացուցչական դեմոկրատիայի դեպքում ժողովուրդը իր կամքն արտահայտում է ժողովրդական դեպուտատների սովետների միջոցով և վերջիններս են իրենց ակտիվությամբ կամքին տալիս համապարտադիր բնույթ, ապա համաժողովրդական քննարկման ժամանակ ժողովուրդն ինքն է անմիջականորեն արտահայտում իր կամքը: Համաժողովրդական քվեարկության կամ հանրաքվեի ժամանակ ժողովուրդը ոչ միայն անմիջականորեն արտահայտում է իր կամքը, այլ նաև նույնպիսի անմիջականությամբ, առանց որևէ պետական մարմնի միջնորդության, այդ կամքին տալիս է համապարտադիր բնույթ:

ՍՍՀՄ նոր սահմանադրությունում առաջին անգամ ամրապնդված են սովետական պետության և նրա մարմինների կազմավորման ու գործունեության երկու գլխավոր սկզբունքները՝ դեմոկրատական ցենտրալիզմը և սոցիալիստական օրինականությունը: Սահմանադրության մեջ տրված է մեր հասարակության կյանքում կոմունիստական կուսակցության ղեկավար և ուղղություն ցույց տվող դերի ծավալումն բնութագրելը: Եթե 1936 թ. ՍՍՀՄ սահմանադրությունում ՍՄԿԿ դերի մասին խոսվում էր անուղղակիորեն (քաղաքացիների միավորման իրավունքին նվիրված 126-րդ հոդվածում), ապա ՍՍՀՄ նոր սահմանադրությունում այդ հարցին հատուկ հոդված է նվիրված քաղաքական սխտեմին վերաբերվող գլխում: «Սովետական հասարակության ղեկավար և ուղղություն ցույց տվող ուժը, — ասված է 6-րդ հոդվածում, — նրա քաղաքական սխտեմի, բոլոր պետական և հասարակական կազմակերպությունների միջուկը Սովետական Միության կոմունիստական կուսակցությունն է: ՍՄԿԿ-ն գոյություն ունի ժողովրդի համար և ծառայում է ժողովրդին»: Հոդվածը միաժամանակ հստակ սահմանում է պետական իշխանության կենսագործմանը ՍՄԿԿ մասնակցության շրջանակները: «Բոլոր կուսակցական կազմակերպությունները, — ասված է այնտեղ, — գործում են ՍՍՀՄ սահմանադրության շրջանակներում»:

Հետևողականորեն կենսագործելով ժողովրդաիշխանության սկզբունքը, սահմանադրությունն ամրապնդում է հասարակական կազմակերպությունների մասնակցությունը պետական և հասարակական գործերի կառավարմանը, քաղաքական, տնտեսական և սոցիալ-կուլտուրական հարցերի լուծմանը: Սահմանադրության մեջ հատուկ հոդված է նվիրված սովետական հասարակության սխտեմում աշխատավորական կոլեկտիվների գերին: 8-րդ հոդվածը նրանց իրավունք է տալիս մասնակցելու պետական և հասարակական գործերի քննարկմանն ու լուծմանը, արտադրության և սոցիալական զարգացման պլանավորմանը, կադրերի պատրաստմանն ու տեղաբաշխմանը, ձեռնարկություն-

ների և հիմնարկների կառավարման, աշխատանքի և կենցաղի պայմանների բարելավման հարցերի, արտադրության զարգացման, ինչպես նաև սոցիալ-կուլտուրական միջոցառումների և նյութական խրախուսման համար նախատեսված միջոցների օգտագործման հարցերի քննարկմանն ու լուծմանը»:

ՍՍՀՄ նոր սահմանադրությունը մեր երկրի քաղաքական սիստեմը ամրապնդում է իր զարգացման մեջ, ցույց է տալիս այդ սիստեմի զարգացման հիմնական ուղղությունը՝ սոցիալիստական դեմոկրատիայի հետագա ծավալումը:

Սահմանադրության հաջորդ գլուխներում ամրապնդված են ժողովրդի իշխանության տնտեսական և սոցիալական հիմքերը: «ՍՍՀՄ տնտեսական սիստեմի հիմքն է կազմում,—ասված է 10-րդ հոդվածում,— արտադրության միջոցների սոցիալիստական սեփականությունը՝ պետական (համաժողովրդական) և կոլտնտեսային-կոոպերատիվ սեփականության ձևով»:

Սահմանադրությունը սոցիալիստական սեփականության ձև է ճանաչում նաև «արհմիութենական և այլ հասարակական կազմակերպությունների այն գույքը, որը նրանց անհրաժեշտ է կանոնադրական խնդիրների իրականացման համար»:

Դրանով իսկ ՍՍՀՄ նոր սահմանադրությամբ վերացվեց հիմնական օրենքի և ընթացիկ օրենսդրության միջև տեղ գտած հակասությունը: Բանն այն է, որ մինչև նոր սահմանադրության ընդունումը հասարակական կազմակերպությունների սեփականությունը սոցիալիստական էր ճանաչվում սոսկ ընթացիկ օրենսդրությամբ:

Սահմանադրության 3-րդ գլխում, որն ամբողջությամբ վերցրած նորույթ է սովետական սահմանադրության զարգացման մեջ, ամրապնդվում է ՍՍՀՄ սոցիալական հիմքը, որը կազմում է բանվորների, գյուղացիների և մտավորականության անխախտ դաշինքը: Այստեղ սահմանված են սովետական պետության խնդիրները հասարակության սոցիալական միատարրության ուժեղացման, քաղաքի և գյուղի, մտավոր և ֆիզիկական աշխատանքի միջև հղած էական տարբերությունների վերացման, ՍՍՀՄ բոլոր ազգերի և ազգությունների հետագա զարգացմանն ու մերձեցմանը նպաստելու ասպարեզում:

Սահմանադրությունում նոր հատուկ գլուխներ են հատկացված ՍՍՀՄ արտաքին քաղաքականությանը և սոցիալիստական հայրենիքի պաշտպանությանը: «Մյուս պետությունների հետ ՍՍՀՄ-ի հարաբերությունները,—ասված է 29-րդ հոդվածում,—կառուցվում են սուվերեն հավասարության, ուժ գործադրելուց կամ ուժով սպառնալուց փոխադարձ հրաժարման, սահմանների անխախտության, պետությունների տերիտորիալ ամբողջականության, վեճերի խաղաղ կարգավորման, ներքին գործերին չմիջամտելու, մարդու իրավունքների և հիմնական ազատությունների հարգման, ժողովուրդների իրավահավասարության և իրենց բախտը տնօրինելու իրավունքի, պետությունների համագործակցության, միջազգային իրավունքի հանրաճանաչ սկզբունքներից ու նորմաներից, ՍՍՀՄ-ի կնքած միջազգային պայմանագրերից բխող պարտավորությունների բարեխիղճ կատարման սկզբունքների պահպանման հիման վրա»:

Սահմանադրության՝ իր ծավալով ու բովանդակությամբ խոշոր բաժիններից մեկը նվիրված է անհատի իրավական վիճակի օահմանադրական ամրապնդմանը՝ ՍՍՀՄ քաղաքացիությանը, ՍՍՀՄ քաղաքացիների իրավահավասարությանը, նրանց հիմնական իրավունքներին, ազատություններին և պար-

տականություններին: «Ջարդացած սոցիալիզմի կառուցումը,— ասաց Լ. Ի. Բրեժնևը,— մեզ թույլ է տալիս կատարելագործել հիմնական օրենքի՝ Սովետական Բաղաճացիների իրավունքների վերաբերյալ դրույթները: «Յուրաքանչյուրի ազատ զարգացումը բոլորի ազատ զարգացման պայմանն է՝ «Կոմունիստական մանիֆեստի» այս նշանավոր խոսքերը փաստորեն դարձել են մեր պետության արմատական սկզբունքը»²²:

Նոր սահմանադրությունն ամենից առաջ ամրապնդում է ՍՍՀՄ քաղաքացիների լիակատար իրավահավասարությունը՝ անկախ ծագումից, սոցիալական և գույքային դրությունից, ազգային և ռասայական պատկանելիությունից, սեռից, կրթությունից, լեզվից, կրոնի նկատմամբ ունեցած վերաբերմունքից, զբաղմունքի տեսակից ու բնույթից, բնակության վայրից և այլ հանգամանքներից (հոդ. 34):

Սահմանադրության 35 և 36-րդ հոդվածներն ամրապնդում են կնոջ և տղամարդու հավասար իրավունքները ՍՍՀՄ-ում, ինչպես նաև ՍՍՀՄ տարբեր ռասաների և ազգությունների իրավահավասարությունը: Ելնելով սոցիալիստական հումանիզմի սկզբունքից, ՍՍՀՄ սահմանադրությունը օտարերկրյա քաղաքացիներին և քաղաքացիություն չունեցող անձանց համար երաշխավորում է օրենքով նախատեսված իրավունքներ և ազատություններ, ինչպես նաև ապաստանի իրավունք է վերապահում «այն օտարերկրացիներին, որոնք հետապնդվում են աշխատավորների շահերի և խաղաղության գործի պաշտպանության համար, հեղափոխական և ազգային ազատագրական շարժմանը մասնակցելու համար, հասարակական-քաղաքական, գիտական կամ այլ ստեղծագործական առաջադիմական գործունեության համար» (հոդ. 38):

ՍՍՀՄ նոր սահմանադրությունն ամենից առաջ ընդգայնում և խորացնում է ՍՍՀՄ քաղաքացիների արդեն իսկ ունեցած հիմնական իրավունքների և ազատությունների բովանդակությունը, դրանք ապահովելով նյութական և իրավական նոր երաշխիքներով: Այսպես, օրինակ, ամրապնդելով ՍՍՀՄ քաղաքացիների աշխատանքի իրավունքը, ՍՍՀՄ նոր սահմանադրությունը ոչ միայն խորացնում է դրա բովանդակությունը, սահմանելով քաղաքացու իրավունքը իր մասնագիտությունը, զբաղմունքի և աշխատանքի տեսակը ընտրելու իր կողմանը, ընդունակություններին, պրոֆեսիոնալ պատրաստությանը և կրթությանը համապատասխան, այլ նաև այդ իրավունքի կենսագործումն ապահովում է այնպիսի նյութական նոր երաշխիքներով, ինչպիսիք են ձրի պրոֆեսիոնալ ուսուցումը, աշխատանքային որակավորման բարձրացումը, պրոֆեսիոնալ կողմնորոշման և աշխատանքի տեղավորման սիստեմների զարգացումը (հոդ. 40):

Սահմանադրությունը ՍՍՀՄ քաղաքացիների կրթության իրավունքը ապահովում է այնպիսի նոր երաշխիքներով, ինչպիսիք են կրթության բոլոր տեսակների անվճար լինելը, երիտասարդության ընդհանուր, պարտադիր միջնակարգ կրթության իրականացումը, կյանքի, արտադրության հետ ուսուցման կապի հիման վրա պրոֆեսիոնալ-տեխնիկական միջնակարգ մասնագիտական և բարձրագույն կրթության լայն զարգացումը, դպրոցական դասագրքերի ձրի հատկացումը և այլն:

²² «Սովետական Հայաստան», 5.VI.1977:

Դրա հետ միասին սահմանադրությունը ՍՍՀՄ քաղաքացիներին տրամադրում է միանգամայն նոր սահմանադրական իրավունքներ և ազատություններ: Դրանցից են առողջության պահպանման իրավունքը, բնակարանի իրավունքը, կուլտուրայի նվաճումներից օգտվելու իրավունքը, գիտական, տեխնիկական և գեղարվեստական ստեղծագործության ազատությունը, պետական և հասարակական գործերի կառավարմանը մասնակցելու իրավունքը, պետական մարմիններին և հասարակական կազմակերպություններին նրանց գործունեության պայմանների բարելավման վերաբերյալ առաջարկություններ ներկայացնելու և աշխատանքի թերությունները քննադատելու իրավունքը, պաշտոնատար անձանց գործողությունների վերաբերյալ պետական մարմիններին և հասարակական կազմակերպություններին գանգատներով դիմելու իրավունքը և այլն:

Սահմանադրությունն ամրապնդելով ՍՍՀՄ քաղաքացիների իրավունքների և ազատությունների լիակատարությունը՝ միաժամանակ սահմանում է, որ «իրավունքների և ազատությունների իրականացումն անբաժանելի է քաղաքացու կողմից իր պարտականությունների կատարումից» (հոդ. 59): Երկրի հիմնական օրենքում ասված է, որ «Քաղաքացիների կողմից իրավունքների և ազատությունների օգտագործումը չպետք է վնաս հասցնի հասարակության և պետության շահերին և մյուս քաղաքացիների իրավունքներին» (հոդ. 39):

Սովետական պետության թշնամիներն իրենց քննադատության կրակը կենտրոնացրել են մեր սահմանադրության այս կարևոր դրույթների վրա: «Մեր «քննադատները», — ասաց Լ. Ի. Բրեժնևը, — ձևացնում են, թե իբր իրենք չգիտեն, որ իրենց դժգոհությունը հարուցած սահմանադրության նախագծի դրույթները լրիվ համապատասխանում են միջազգային կարևորագույն փաստաթղթերին: Հիշեցնենք նրանց: ՄԱԿ-ի ընդունած մարդու իրավունքների ընդհանուր դեկլարացիայում միանգամայն պարզորոշ ասվում է, որ «ամեն մի մարդ պարտականություններ ունի հասարակության հանդեպ, որտեղ և միայն հնարավոր է նրա անձի ազատ ու լիակատար զարգացումը», և որ քաղաքացիների իրավունքների և ազատությունների իրականացումը պահանջում է «ուրիշների իրավունքների և ազատությունների պատշաճ ճանաչում ու հարգում և դեմոկրատական հասարակության մեջ բարոյականության, հասարակական կարգի և ընդհանուր բարեկեցության արդարացի պահանջների բավարարում»: Սա է դեմոկրատական հասարակական կյանքի հանրաճանաչ սկզբունքը: Ուրիշ ոչինչ էլ, պարոնայք քննադատներ, չի բովանդակվում ՍՍՀՄ նոր սահմանադրության այն դրույթների մեջ, որոնք առաջացնում են ձեր երեսպաշտական զայրույթը»²³:

ՍՍՀՄ նոր սահմանադրությունը ոչ միայն ընդլայնում է ՍՍՀՄ քաղաքացիների արդեն իսկ ունեցած հիմնական պարտականությունների բովանդակությունը, այլև նրանց վրա դնում է այնպիսի նոր պարտականություններ, ինչպիսիք են մյուս քաղաքացիների ազգային արժանապատվությունը հարգելը և սովետական բազմազգ պետության ազգերի ու ազգությունների բարեկամության ամրապնդմանը նպաստելը, հարգանքը ուրիշ անձանց իրավունքների և օրինական շահերի նկատմամբ, անհաշտ վերաբերմունքը հա-

²³ Նույն տեղում, 5. X. 1977:

կահասարակական արարքների նկատմամբ, հոգատարությունը բնության և նրա հարստությունների հանդեպ և այլն:

Սահմանադրության կարևոր բաժիններից մեկը նվիրված է ՍՍՀՄ ազգային-պետական կառուցվածքին: Այստեղ տրված է ՍՍՀՄ՝ որպես միութենական բազմազգ պետության, նոր բնորոշումը (հոդ. 70), սահմանված են ՍՍՀՄ բացառիկ լիազորությունները (հոդ. 73), տրված է միութենական հանրապետության հասկացությունը (հոդ. 76), գլուխներ են հատկացված ինքնավար հանրապետությանը, ինքնավար մարզին և ինքնավար օկրուգին: Անդրադառնալով սահմանադրության այս բաժնին, Լ. Ի. Բրեժնևը նշեց. «Փորձը ցույց է ափսոսում, որ ՍՍՀՄ ֆեդերատիվ կառուցվածքի հիմնական գծերն իրենց լիովին արդարացրել են: Ուստի հարկ չկա որևէ սկզբունքային փոփոխություն մտցնելու սովետական սոցիալիստական ֆեդերացիայի ձևերի մեջ»²⁴:

Սահմանադրության կողմից ՍՍՀՄ ազգային-պետական կառուցվածքի հարցերի լուծումը մի կողմից լիովին ապահովում է մեր բազմազգ պետության ընդհանուր շահերի և այն կազմող միութենական հանրապետություններից յուրաքանչյուրի շահերի զուգակցումը, մյուս կողմից՝ մեր երկրի բոլոր ազգերի և ազգությունների համակողմանի զարգացումը և մերձեցումը:

Սահմանադրությունում հատուկ բաժին է առանձնացվել ժողովրդական դեպուտատների սովետների բոլոր օղակների հետ կապված ընդհանուր հարցերի լուծման համար: Մեկ տարով երկարաձգվել է (4-ից 5-ի) ՍՍՀՄ Գերագույն սովետի և միութենական ու ինքնավար հանրապետությունների գերագույն սովետների լիազորության ժամկետը, իսկ ժողովրդական դեպուտատների տեղական սովետների ժամկետը 2 տարուց երկարաձգվել է երկուսուկեսի: Սահմանադրության այս բաժնում տրված է ժողովրդական դեպուտատների սովետների բոլոր օղակների իրավասության՝ ընդհանուր բնութագիրը, ամրապնդված են նրանց գործունեության դեմոկրատական ձևերը և մեթոդները: 94-րդ հոդվածում ասված է, որ «Ժողովրդական դեպուտատների սովետների գործունեությունը կառուցվում է հարցերի փոխհանձնման, ազատ, գործարար քննարկման և լուծման, հրապարակայնության, սովետների և բնակչության առջև գործադիր ու կարգադրիչ մարմինների, սովետների կողմից ստեղծվող մյուս մարմինների կանոնավոր հաշվետվության, նրանց աշխատանքին քաղաքացիներին լայնորեն մասնակից դարձնելու վրա: Ժողովրդական դեպուտատների սովետները և նրանց կողմից ստեղծվող մարմինները բնակչությանը սիստեմատիկաբար տեղյակ են պահում իրենց աշխատանքի և ընդունած որոշումների մասին»:

Այս բաժնի 13-րդ գլուխը նվիրված է ընտրական սիստեմին: Սահմանադրությունը մեկ միասնական տարիք (18 տարեկան) է սահմանում ժողովրդական դեպուտատների սովետների բոլոր օղակներում ընտրելու և ընտրվելու իրավունքի համար, բացառությամբ ՍՍՀՄ Գերագույն սովետի, որտեղ ընտրվելու համար սահմանում է 21 տարեկան: Այստեղ ամրապնդված են սովետական ընտրական իրավունքի հիմնական սկզբունքները՝ գաղտնի քվեարկություն, ընդհանուր, հավասար, ուղղակի ընտրություններ:

²⁴ Նույն տեղում, 5.VI.1977:

Այս բաժնում հատուկ գլուխ է հատկացված ժողովրդական դեպուտատի իրավական վիճակին և նրա գործունեությանը: Այստեղ իրենց սահմանադրական ամրապնդումն են ստացել 1972 թ. սեպտեմբերի 20-ի՝ «ՍՍՀՄ-ում աշխատավորների դեպուտատների սովետների դեպուտատների ստատուսի մասին» օրենքի կարևոր շատ դրույթներ: 103-րդ հոդվածը սահմանում է, որ «դեպուտատները ժողովրդի լիազոր ներկայացուցիչներն են ժողովրդական դեպուտատների սովետներում: Մասնակցելով սովետների աշխատանքին, դեպուտատները լուծում են պետական, տնտեսական և սոցիալ-կուլտուրական շինարարության հարցերը, կազմակերպում սովետների որոշումների կենսագործումը, վերահսկողություն իրականացնում պետական մարմինների, ձեռնարկությունների, հիմնարկների և կազմակերպությունների աշխատանքի նկատմամբ: Իր գործունեության մեջ դեպուտատը ղեկավարվում է համապետական շահերով, հաշվի է առնում ընտրական օկրուգի բնակչության պահանջները, հետամուտ լինում ընտրողների պատվիրանների կենսագործմանը»:

Սահմանադրությունը դեպուտատից պահանջում է «իր աշխատանքի և սովետի աշխատանքի մասին հաշվետու լինել ընտրողների առջև, ինչպես նաև իրեն դեպուտատության թեկնածու առաջադրած կոլեկտիվների և հասարակական կազմակերպությունների առջև»: Սահմանադրությունում ասված է, որ «ընտրողների վստահությունը չարդարացրած դեպուտատը ցանկացած ժամանակ կարող է ետ կանչվել ընտրողների մեծամասնության որոշմամբ օրենքով սահմանված կարգով»:

Սահմանադրության հաջորդ բաժինը նվիրված է ՍՍՀՄ պետական իշխանության և կառավարման բարձրագույն մարմիններին՝ ՍՍՀՄ Գերագույն սովետին, ՍՍՀՄ Գերագույն սովետի նախագահությանը և ՍՍՀՄ Մինիստրների խորհրդին: Այս բաժնի 108-րդ հոդվածը ամրապնդում է ՍՍՀՄ Գերագույն սովետի լիիշխանությունը՝ գերագույնությունը: «ՍՍՀՄ Գերագույն սովետը, — ասված է հոդվածում, — իրավազոր է վճռելու սույն սահմանադրությամբ ՍՍՀ Միության տնօրինությանը վերապահված բոլոր հարցերը»: Նման հարցադրումը որոշակիություն է մտցնում ՍՍՀՄ պետական իշխանության և կառավարման բարձրագույն մարմինների իրավական հարաբերությունների միջև:

Սահմանադրությունը միաժամանակ ամրապնդում է ՍՍՀՄ Գերագույն սովետի բացառիկ լիազորությունները: Նույն հոդվածում ասված է, որ «ՍՍՀՄ սահմանադրության ընդունումը, նրա մեջ փոփոխություններ մտցնելը, ՍՍՀՄ կազմի մեջ նոր հանրապետությունների ընդունումը, նոր ինքնավար հանրապետությունների և ինքնավար մարզերի կազմման հաստատումը, ՍՍՀՄ տնտեսական և սոցիալական զարգացման պետական պլանների, ՍՍՀՄ պետական բյուջեի և դրանց կատարման հաշվետվությունների հաստատումը, իրեն հաշվետու՝ ՍՍՀ Միության մարմինների կազմում իրականացվում է բացառապես ՍՍՀՄ Գերագույն սովետի կողմից»:

110-րդ հոդվածը փոփոխություններ է մտցնում ՍՍՀՄ Գերագույն սովետի Միության սովետի ընտրության ներկայացուցչական նորմերի մեջ: Այժմ «Միության սովետն ընտրվում է ըստ հավասար թվով բնակչություն ունեցող ընտրական օկրուգների»: Սահմանադրության 113-րդ հոդվածը ՍՍՀՄ Գերագույն սովետում օրենսդրական նախաձեռնության իրավունք է տրամադրում «Միության սովետին, Ազգությունների սովետին, ՍՍՀՄ Գերագույն սո-

վետի նախագահությունը, ՍՍՀՄ Մինիստրների խորհրդին, միութենական հանրապետություններին՝ ի դեմս նրանց պետական իշխանության բարձր-
յուն մարմինների, ՍՍՀՄ Գերագույն սովետի հանձնաժողովներին և նրա
պալատների մշտական հանձնաժողովներին, ՍՍՀՄ Գերագույն սովետի դե-
պուտատներին, ՍՍՀՄ գերագույն դատարանին, ՍՍՀՄ գլխավոր դատախա-
զին՝ Հետևողականորեն կենսագործելով ժողովրդաիշխանության սկզբունքը,
սահմանադրությունն օրենսդրական նախաձեռնության իրավունք է տրամա-
դրում նաև հասարակական կազմակերպություններին՝ ի դեմս իրենց ընդհա-
նուր միութենական մարմիններին:

Սահմանադրությունն ամրապնդում է ՍՍՀՄ օրենքների ընդունման երկու
հիմնական եղանակ: Օրենքներն ընդունվում են կա՛մ ՍՍՀՄ Գերագույն սովետի
կողմից, կա՛մ էլ համաժողովրդական քվեարկությամբ՝ հանրաքվեով: Սահ-
մանադրության 120-րդ հոդվածը փոփոխություն է մտցնում ՍՍՀՄ Գերագույն
սովետի նախագահության կազմում՝ սահմանելով ՍՍՀՄ Գերագույն սովետի
նախագահության նախագահի առաջին տեղակալի պաշտոն:

Երկրի նոր հիմնական օրենքը զգալի փոփոխություններ է մտցնում Գե-
րագույն սովետի նախագահության իրավասության մեջ: Մասնավորապես պե-
տական իշխանության այդ բարձրագույն մարմինն իրավունք է վերապահվում
Գերագույն սովետի նստաշրջանների միջև ընկած ժամանակամիջոցում ան-
հրաժեշտության դեպքում փոփոխություններ մտցնելու ՍՍՀՄ գործող օրենս-
դրական ակտերի մեջ, հաստատել միութենական հանրապետությունների միջև
սահմանների փոփոխությունները, ՍՍՀՄ Մինիստրների խորհրդի առաջար-
կությամբ կազմել և վերացնել ՍՍՀՄ մինիստրություններն ու ՍՍՀՄ պետա-
կան կոմիտեները:

Բազմաթիվ նոր դրույթներ է պարունակում սահմանադրության 16-րդ
գլուխը: Որն ամբողջովին նվիրված է ՍՍՀՄ Մինիստրների խորհրդին: Այստեղ
ընդգծված է ՍՍՀՄ կառավարության հաշվետու և պատասխանատու լինելը
ՍՍՀՄ Գերագույն սովետի և նրա նախագահության առջև, տրված է ՍՍՀՄ պե-
տական իշխանության այդ բարձրագույն գործադիր և կարգադրիչ մարմնի
իրավական վիճակի սահմանադրական բնութագիրը:

Սահմանադրության հաջորդ VI բաժինը նվիրված է միութենական հան-
րապետությունների պետական իշխանության և կառավարման մարմինների
կառուցման հիմունքներին: Այն կարևոր դրույթներ է պարունակում միութե-
նական և ինքնավար հանրապետությունների գերագույն սովետների բացառիկ
լիազորությունների, ինքնավար հանրապետության տերիտորիալ գերիշխանու-
թյան իրավունքի, ժողովրդական դեպուտատների տեղական սովետների նոր
իրավունքների մասին և այլն: 147-րդ հոդվածում ասվում է, որ «իրենց
լիազորությունների շրջանակներում ժողովրդական դեպուտատների տեղական
սովետներն ապահովում են տնտեսական և ոցիալական կոմպլեքսային
շարժացումն իրենց տերիտորիայում, վերահսկողություն են իրականացնում
այդ տերիտորիայում գտնվող վերադաս ենթակայության ձեռնարկություննե-
րի, հիմնարկների և կազմակերպությունների կողմից օրենսդրության պահ-
պանման նկատմամբ, կորոդինացնում և վերահսկում են նրանց գործունեու-
թյունը հողօգտագործման, բնության պահպանության, շինարարության, աշ-
խատանքային ռեսուրսների օգտագործման, ժողովրդական սպառման ապ-

րանքների արտադրության, բնակչության սոցիալ-կուլտուրական, կենցաղային և այլ սպասարկման բնագավառում»:

Սահմանադրության վերջին երեք բաժինները նվիրված են արդարադատությանը, արբիտրաժին և դատախազական հսկողությանը, ինչպես նաև ՍՍՀՄ գերբի, դրոշակի նկարագրությանը, հիմնի և մայրաքաղաքի սահմանմանը ու ՍՍՀՄ սահմանադրության գործողության և նրա փոփոխման կարգին:

Դժվար է գերազնահատել այն հսկայական նշանակությունը, որ ունի ՍՍՀՄ նոր սահմանադրության ընդունումը մեր երկրի կյանքում: «Նրա դրույթների իրականացումը, — ասաց Լ. Ի. Բրեժնևը, — պետք է որակապես նոր մակարդակի բարձրացնի մեր պետական և տնտեսական գործունեությունը, իշխանության և կառավարման մարմինների ամբողջ աշխատանքը»²⁵, Եվ ինչպես նշվեց ՍՍՀՄ Գերագույն սովետի 9-րդ գումարման 7-րդ արտահերթ սեսիայում, ՍՍՀՄ նոր սահմանադրությունը «սովետական պետության ամբողջ 60-ամյա զարգացման խտացված արդյունքն է»²⁶:

ОСНОВНОЙ ЗАКОН РАЗВИТОГО СОЦИАЛИЗМА

ВЛАДИМИР НАЗАРЯН

Резюме

Сравнительный анализ Конституции СССР 1977 г. с Конституцией СССР 1936 г. раскрывает то новое, что вносит Основной закон общенародного государства в механизм правового регулирования общественных отношений развитого социализма. Являясь органическим элементом политической системы зрелого социализма и представляя собой концентрированный итог шестидесятилетнего развития социалистического государства, новая Конституция СССР закрепляет достижения советского народа в важнейших сферах экономической, политической и социально-культурной жизни. Охватывая весь комплекс общественных отношений зрелого социализма в их динамике, новая Конституция СССР является программным документом строительства коммунизма.

²⁵ Նույն տեղում, 4.VI.1977:

²⁶ Նույն տեղում, 9.X.1977: